

明

會

要

明會要卷五十九

永新龍文彬纂

兵二

衛所

衛所者分屯設兵控扼要害錯置京省統於都司而總隸五軍都督府五府無兵衛所兵卽其兵屯操城守運糧番易倣唐府兵遺意

明史藥

洪武元年正月定衛所官軍自京師達於郡縣皆立衛所大率以五千六百人爲衛千一百二十人爲千戶所百十有二人爲百戶所每百戶所設總旗二名小旗十名官領

鈴束通以指揮使等官領之

通紀

洪武七年八月申定兵衛之制征調則統於諸將無事則散歸各衛管軍官員不許擅自調遣操練撫綏務在得宜違者俱論如律

三編

八年改在京留守都衛爲留守衛指揮使司在外都衛爲都指揮使司

兵志

十三年革中書省因改大都督府爲五分統諸軍司衛所

同上

十六年勅天下衛所習射農隙選善射者十之一更番赴京較試不中者罰及指揮及百戶尋令邊衛士止於本衛

課習復詔都司上衛所城池水陸地里圖

明史
彙

二十年命兵部置軍籍勘合載從軍履歷調補衛所年月在營丁口之數給內外衛所軍士而藏其副於內府

兵志

二十六年二月遼東開元衛軍士馬名廣上書言五事其末言唐太宗初年置府兵分隸禁衛天下八百而在關中者五百舉天下之兵不敵關中此居重馭輕之法也請自今外衛軍士老死者免補且漸收蕃衛移置京畿不勝社

稷之福

世法
錄

惠帝初詔興州營州開平諸衛軍全家在伍者免一人天

下衛所軍單丁者放爲民

通紀

永樂二年更定衛所屯守軍士臨邊險要者守多於屯在內平僻或地雖險要而運輸難至者皆屯多於守

兵志

十八年北京建在南諸衛多北調

同上

二十二年十一月丙子遣御史巡察沿邊諸衛稽部曲申

號令

通紀

宣德五年從平江伯陳瑄言以衛官職漕運東南之卒由是困

八年減衛軍餘丁正軍外每軍留一餘悉遣歸

崇禎三年范景文以兵部侍郎守通州上言祖制邊腹內外衛所基置以軍隸衛以屯養軍後失其制軍外募民爲

兵屯外賦民出餉使如鱗尺籍不能爲衝鋒之事井不知帶甲之人陛下百度振刷豈可令有定之軍數付之不可問有用之軍糈投之不可知因條上清覈數事不果行

兵志

四年朝議召募討閩海盜給事中王家彥言舊制衛所軍餉於官無別兵亦無別將統於各衛之指揮寨設號船聯絡呼應又添設游擊等官雖支洋窮港戈船相望臣愚以今日策防海莫若復舊制勤訓練練則衛所軍皆勁卒不練雖添設召募兵猶驅市人而戰之糜餉擾民無益賊終不能盡時以爲名言

王家彥傳

洪武二十六年定天下都司衛所

都司十七 留守司一 內外衛三百二十九 守禦
千戶所六十五

永樂以後定天下都司衛所

都司二十一 留守司二 內外衛四百九十三 守

禦屯田羣牧千戶所三百五十九 儀衛司三十三

皆後添設 宣慰使司二 招討使司二 宣撫司六 安

撫司十六 長官司七十 番邊都司衛所等四百七

班軍

永樂十三年詔邊將及河南山東山西陝西各都司中都

留守司江南北諸衛官簡所部卒赴北京以俟臨閱京操

自此始

兵志

仁宗初因英國公張輔尙書李慶言令直隸及近京軍番上操備論以畢農而來先農務遣歸已復論慶曰王道在順人情比更調官軍牽遠近而就遠無益若使陝西之軍就彼備禦而調河南山西軍來京不兩便耶可卽議行

宣宗初張輔言京操軍在邊方者悉放歸今京軍少請調河南山東中都淮陽諸營校閱制曰可又勅河南山東山西大甯陝西及中都將領凡軍還取衣裝者以三月畢務七月至京老弱別選代官給之馬歲春秋番上共十六萬

人

九年成國公朱勇言河南軍千餘人期不至當逮上曰法有三令五申者其移文趣之明年放回已并放還陝西班

軍

已上世法錄

正統中京操軍悉戍邊迺令御史於江北山東北直隸選精銳爲京師備

景泰初邊事棘班軍悉留京閒歲乃放還取衣裝於是于謙石亨議三分之留兩番操備保定河間天津放五十日河南山東九十日淮揚中都百日紫荆倒馬白羊三關及保定諸城戍卒屬山東河南者亦如之明年謙又言班軍

分十營團練久不得休請仍分兩番報可

已上兵志

成化八年河南秋班軍二千餘人不至下御史趣之罰操如例是後海內燕安外衛卒在京祇供營繕諸役勢家私占復半之

宏治中兵部言占役之害罰治如議於是選衛兵八萬團操內外各半外衛四萬兩番送上末年發保定卒歸大甯等衛以掖京師

已上世法錄

嘉靖六年兵部尙書李承勛奏自永樂中調附近官軍番上京師後遂踵爲故事河南山東南北直隸俱京師咽喉山陝又中原形勝要地各處官軍輪班上操本地無軍可

守後盜入商洛鎮巡官欲赴救無軍可遣河南山東直隸武備單弱尤甚以故盜賊縱橫莫可禁禦劉六趙燧足爲前車之戒臣知備操官軍在京止備工作之役不若省行糧之費以募工作何憂役乏章下所司議不果行

明臣奏議

後班軍益耗減豐城侯李熙請改徵銀召募而以見軍四萬歸營操練嚴嵩議以各衛兵雖有折乾之弊然清覈令下猶懍懍畏罪若奉旨徵銀恐借爲口實祖宗良法深意一旦蕩然帝是之已而從平江伯陳圭奏仍令中都山東河南軍分春秋兩班別爲一營春以三月至八月還秋以九月至來歲二月還工作毋擅役

兵志

隆慶初大發卒治河軍人憚久役逃亡多部議於見役軍中簡銳者著伍而以老弱供畚鍤河成卽止從之

世法錄

萬厯二十九年帝以班軍多老弱雇倩令嚴飭之職方主事沈朝煥給班軍餉皆傭諸句因言本處有大糧到京有行糧又有鹽斤銀所費十餘萬金今皆虛冒請解大糧貯庫有警可召募有工可雇役部議請先申飭俟工竣行之三十四年內廷有小營繕中官陳永壽請仍用班軍可節省給事中宋一韓爭之謂班軍輪操卽三大營軍所繫甚重今邊鄙多事萬一關吏不謹而京師團練之軍多召募游徼之軍多役占皇城宿衛多白徒四衛扈從多廝役卽

得三都司健卒三萬猶不能無恐況動以興作腹削名存

實亡緩急何賴哉

已上兵志

班軍舊額十六萬後減至七萬至崇禎時止二萬有奇更有建議盡徵行糧月糧免其番上者給事中王家彥巡京營力陳不可且請免其工役盡歸行伍帝褒納之

王家彥傳

屯田卒

洪武元年命諸將分軍屯種於滁和廬鳳地方開立屯所

京衛旗軍七分下屯三分守城

世法錄

六年遣鄧愈湯和諸將屯陝西彰德汝甯北平永平

食貨志

二十一年九月勅天下衛所屯田凡衛係衝要都會及王

府護衛以十之五屯田係衛所以五之四

三編

二十五年詔天下衛所軍以十之七屯田馮勝傅友德帥常昇等分行山西籍民爲兵屯田於大同東勝立十六衛

永樂二年定屯田官軍賞罰例

通典

廣西開設屯所撥官軍屯種不納稅糧

會典

又更定屯守之數臨邊險要者守多於屯地僻處及運糧艱者屯多於守屯兵百名委百戶三百名委千戶五百名以上指揮提督之

食貨志

九年七月壬午命屯田軍以公事妨農務者免徵子粒著

爲令

本紀

仁宗初禁所司擅役屯田軍士

大政記

宣宗之世屢覈各屯以征戍罷耕及官豪勢要占匿者減餘糧之半分遼東各衛屯軍爲三等丁牛兼者爲上丁牛有一爲中俱無者爲下

食貨志

宣德七年從戶部議令他衛軍戍宣府者悉遣還屯種左都督譚廣上言臣所守邊一千四百餘里敵人窺伺竊發無時脫有警徵兵數百里外勢豈能及屯種之議臣愚未見其可帝以邊卒戍守有餘但命永樂中調戍者勿遣

譚廣傳

正統元年楊士奇言國家歲用糧儲皆自東南轉運軍民

勞苦今京軍操練外餘卒尙多宜令於北京八府屯田可
省南方轉運之費帝命戶部兵部議行之於是發京軍三
萬就近地下屯又言先因巡邊調選大甯都司及南北直
隸衛所官軍更番赴京操備今天下已靖請不必赴京俱
令下屯既省轉運之勞又養精銳之氣帝善其策俟從容
行之通紀

景泰五年孫原貞疏臣竊見近者各處屯軍率以營繕轉
輸致妨耕作宜簡其精銳實伍餘悉歸之農苟增萬人屯
卽歲省支倉糧十二萬石且積餘糧六萬石兵食豈有不

足哉

明臣奏議

時邊方多事令兵分爲兩番六日操守六日耕種

食貨志

成化初都御史滕昭於操練馬軍內遴選弓馬生疏者三千餘人退歸屯田歲省各軍所支糧豆六萬餘石十二年都御史陳鉞仍以昭所選之軍勤加操練遂罷徵糧又減除無名屯軍六萬餘石

世法錄

萬厯時給事中郝敬上疏曰臣閱李大用等奏畿輔附近濟陽等衛屯牧額兵共四十八萬願以萬人隨行征倭眾軍自貼糧餉臣訪其故自永樂時靖難功成贍精兵四十萬內一十二萬選入十二團營餘三十六萬給賜屯田牧地分置七十八衛於順天所屬州縣俱屬三千營統轄

聽調征勦今生齒繁衍與民混雜有司派以馬戶撐船運米等役眾軍脫卸無計茲倭奴告警各餘丁議自備糧隨行征勦求免前差蓋彼以三十六萬眾止出萬人是三十六人中抽一人耳以三十六萬眾共餉萬人是三十六家共贍一軍耳又得免差圖此便利今東征師可勿復用此惟是遼左空虛宜因羣情爲轉移之計卽於各衛原籍中十名抽一據三十六萬原數除六萬作耗外可得壯丁三萬人擇幹廉官數員統領赴遼東開種屯田於存留三十六萬中各十名幫貼屯田一名牛種廬舍之費令概免前差開墾田成卽給本兵爲永業因願赴之人心獨不急之

徭役一呼而得勝兵三萬坐收兵食兩利之效備門庭之
警扶肘腋之危何憚而久不爲此通典

民壯

太祖初立民兵萬戶府簡民間武勇之人編成隊伍以時
操練有事用以征戰無事復還爲民會典

周德興理福建軍務至閩按籍僉練得民兵十萬餘人周德興傳

正統二年募所在軍餘民壯願自效者陝西得四千二百
人人給布二匹月糧四斗兵志

七年五月河南州縣始設機兵捕盜大政記

十四年九月令各處召募民壯就令本地官司率領操練

遇警調用

通紀

景泰初遣使分募直隸山東山西河南民壯而紫荆倒馬
二關亦用民兵防守

兵志

二年于謙劾指揮郭亨吳能賣放民壯盜支月糧并石亨
通同作弊首領官金以惠及掾吏人等合提送法司明正
其罪

明臣
奏議

時京師戒嚴募四方民壯分營訓練歲久多逃或赴操不
如期廷議編之尺籍御史練綱言召募之初激以忠義許
事定罷遣今展轉輪操已孤所望況其逃亡實迫寒餒豈

可遽著軍籍邊方多故倘更召募誰復應之詔卽除前令

左鼎傳

天順元年召募民壯鞍馬器械悉從官給本戶有糧予免

五石仍免戶下二丁以資供給

會典

成化二年以邊警復紫荆倒馬二關民兵

兵志

瑪拉噶

舊作毛里

孩屢入塞延綏巡撫盧祥言邊民驍果可練爲兵於是敕御史往延安慶陽選壯者編什伍號爲土兵原僉民壯者

亦改此名得五千餘人

世法錄

九年刑部主事張鼎言今官軍對敵罔有克捷蓋由腹裏官軍怯弱惟土兵驍勇而邊將多侵奪其功故多畏避宜

立法召募特加優恤有功不得隱蔽則土兵效募而向導

可得矣

王圻考

宏治二年令州縣選民壯七年給事中孫儒奏州縣七八百里以上里僉五人五百里四人三百里三人百里以下二人有司訓練遇警調發給以行糧而禁役占放買之弊富民不願則上直於官官自爲募或稱機兵在巡檢司者稱弓兵

明政統宗世法錄

六年兵部奏有司不操練民壯私役雜差者如役占軍人

罪報可

會典

十一年十二月詔各處民壯十年編審

同上

十三年吏部尙書倪岳奏言山西陝西非無民壯但句補或破其家役使致妨其業編之尺籍遂同世軍今復僉點恐合家咨怨曷若於已役者勞而勞之未役者賞以來之守禦止留於本境征調不至於遠行民何所畏而不從乎

昭代典則

十四年九月遣大理寺丞劉憲太僕少卿王質分往陝西

四鎮召募民兵

大政記

正德初年邊事告急議以參政韓福爲大理少卿操練畿

輔民兵

徐問疏

十一年王守仁巡撫南贛汀漳開府贛州選民兵行十家

牌法

明政
統宗

嘉靖二十年都御史翟鵬言直隸山東河南民壯多缺乞補如額而別簡壯丁爲義勇於農隙操練其在山西者專戍三關上曰虜入山西由雁門諸關失守三關別無兵馬僅賴民壯非可捍禦況今所在災傷不宜騷動其姑已之二十二年兵部因延議復請增州縣民壯額大者千名次六七百小者五百報可

二十三年尙書戴金言州縣民壯有額設有新增又有義募有馬快手而往往不獲實用則以經理未善故也宜屬之兵憲官督所司簡練民兵練則無藉客兵而軍衛亦漸

免清句

已上世法錄

二十九年京師新被寇議募民兵以二萬爲率歲四月終赴近京防禦

兵志

三十四年兵部尙書楊博言自庚戌虜患之後倉卒召募類多烏合今欲盡汰之則細民遽失月糧於情不堪且巡捕京城分布不足與其取之於營兵不若議處民兵之爲便也請勅所司汰老弱存精銳在外者發各道爲民兵在京者隸之巡捕參將逃者不補帝以影占數多耗糧無用遣官覈宜罷宜還者以聞

明政統宗

四十二年譚綸奏各縣額設民壯責之駐紮守巡兵備等

官通行查出汰其老弱與市井棍徒補以精悍丁壯給以堅甲利兵編成隊伍分爲班次分屬知縣巡捕官以把總爲之統督知府爲之監察駐紮該道以時閱視別其勤怠而賞罰之

明臣奏議

四十五年楊博奏今之郡縣卽古之諸侯昔人謂與之土地人民而不與兵是以匹夫而守一州誠爲至論尙書馬文升選設民壯量里社多寡爲編次深合古人寓兵於農之制邇年寢失原意或以之調防邊塞或以之抽補軍役徒有民壯之名未見兵勇之實應卽行各省巡撫著府州縣官查本處原額守城民壯若干或逃亡未補或守邊抽

軍卽將本處快手機兵等項改補期復原額之數編列隊伍更立民壯校場春夏秋三季日操六次至冬操三歇三駐紮該道不時教閱撫按官巡閱同衛所軍士一體操練疏入帝從之

同上

隆慶中張居正陳以勤復請籍畿甸民壯謂直隸八府人多健悍總按戶籍除單丁老弱者父子三人籍一子兄弟三人籍一弟州與大縣可得千六百人小縣可得千人中分之爲正兵奇兵登名尺籍隸撫臣操練歲無過三月月無過三次練畢卽命歸農復其身歲操外不得別遣命所

司議行

兵志

四年浙江撫按官以浙中舊額設民壯一萬六千三百九十名每名日給工食銀二分率市井營差無裨實用請量留四千二百一十一名備各府州縣守城之役而以一萬二千六十九名工食銀儲之各府令別選壯丁以充原額從之

王圻考

萬厯初治河之役給事中張貞觀請益募士兵捍淮揚徐邳畿南盜起給事中耿隨龍請復民壯舊制專捕賊盜播州之亂工部侍郎趙可懷請練土著兵部因言各省官軍民壯皆宜罷老穉易以健卒軍操屬印官操官民操屬正官捕官郡守監司不得牽制立營分伍以憑調發先後議

行兵志

天啟二年徐鴻儒反山東巡撫趙彥任都司楊國棟廖棟

檄所部練民兵

馬世龍傳

崇禎時兵部尙書楊嗣昌議令責州縣訓練土著爲兵兵部侍郎張愼言言其不便者數事而御史米壽圖又言其害有七謂不若簡練民兵增民壯快手備禦地方爲便後嗣昌死練兵亦不行

兵志

鄉兵

洪武初李文忠征閩章溢子存道以所部鄉兵萬五人從閩平詔存道以所部從海道北征溢持不可曰鄉兵皆農

民許以事平歸農今復調之是不信也

章溢傳

嘉靖時東南倭患熾朝議練鄉兵禦賊台州知府譚綸練

千人立束伍法未久卽成精銳

譚綸傳

浙兵義烏爲最處次之台甯又次之善狼筈閒以叉槊

兵志

總兵戚繼光以金華義烏俗稱慄悍請召募三千教以擊刺法長短兵迭用由是一軍特精後鎮薊門請募浙人爲

一軍用倡勇敢

繼光傳

閩漳泉兵習鏢牌水戰爲最泉州永春人善技擊正統閒

郭榮六者破沙尤賊有功

兵志

隆慶五年兵部議覆巡撫劉應節奏言戚繼光添調南兵

漸減客兵一說持之甚堅總督譚綸亦以爲可行今第當散遣其懷土願歸者而更募紹甯金台兵補足九千之數

王圻考

東粵俗喜擊刺習長牌砍刀而新會東莞之產強半河南嵩溪諸縣曰毛葫蘆兵長於走山習短兵而嵩及盧氏永甯靈寶多礦兵又曰角腦曰打手山東有長竿手習長竿

徐州有箭手善騎射

世法錄

延綏固原多邊外土著善騎射英宗命簡練以備秋防韓雍征大藤峽用之以摧猱獍之用牌刀者

兵志

成化初瑪拉噶寇陝河東鹽徒千百羣自備火礮戰車精

弩雜官軍隊中逐寇捆載皮角私鹽以歸嘉靖中松江曹
涇鹽徒逐倭至島上焚其舟後倭見人家有齏囊者輒相
戒勿犯世法錄

土司兵

湖南九溪苗兵卽永順保靖兵也

世法錄

景泰七年命調保

靖兵協勦銅鼓五開黎平諸蠻先頒賞犒之天順三年諭

永順宣慰調土兵會勦貴州東苗成化三年兵部尙書程

信請調永順兵征都掌蠻

項忠傳

六年總督項忠奏調永

順保靖兵討荆襄賊

項忠傳

嘉靖三十三年總督張經調永

順保靖兵勦倭明年保靖兵敗賊於石塘灣永順兵邀擊

賊奔王江涇大潰保靖兵最永順次之

土司傳

湖廣土兵永順爲上保靖次之其陣法每司立二十四旗頭每旗十六人其調法初檄所屬照丁揀選宣慰籲天祭以白牛牛首置几上銀副之下令曰多士有敢死衝鋒者收此銀啖此牛首勇者報名彙而收之更盟誓而食之卽名旗頭標下十六人是也其節制甚嚴止許擊刺不許割首違者與退縮者皆斬故所戰必捷人莫敢撓

王圻考

四川石砭土兵萬厯時從征播州援遼東天啟時討奢崇明崇禎時勦流賊酉陽土兵景泰四年從征五開銅鼓苗宏治十二年協勦貴州賊婦米魯萬厯四十六年援遼

見

土司
傳

廣西諸狼兵正統二年總兵官山雲上言左右兩江土官所屬狼兵素勇爲賊所畏若量撥田州土兵於近山屯種分界耕守斷賊出入不過數年賊必坐困報可嗣後東南有急輒調用狼兵自此始也

山雲傳

嘉靖三十三年七月總

督張經調兩廣狼土兵禦倭明年田州瓦氏兵先至東蘭諸兵繼至經以瓦氏兵隸總兵官俞大猷屯金山衛以東蘭那地南丹兵隸遊擊鄭繼芳屯閩港以歸順及思恩東莞兵隸參將湯克寬屯台浦令相機進守

世法錄

右江柳慶

參將沈希儀謂欲大破賊非狼兵不可請於制府調那地

狼兵二千來戍

沈希儀傳

明會要卷五十九終

明會要卷六十

永新龍文彬纂

兵三

教練

洪武六年正月定教練軍士律凡騎卒必善馳射槍刀步兵必善弓弩槍射以遠可到近可中爲式槍以進退熟習爲式在京衛所各以五千人爲率內取千人所司官領赴御前驗試及格者官各以能受賞否則降罰外衛所亦然

世法錄

十六年五月甲辰朔敕天下衛所習射選善射者十之一

於農隙更番赴京較試各邊軍士本衛較射

王圻通考

二十年命衛士習射於午門丹墀明年復令天下衛所馬步軍士各分十班冬月至京閱試仍先下操練法俾遵行不如法及不嫻習者罰

二十二年詔五軍府比試軍士分三等賞鈔

已上兵志

二十五年十月己酉朔申諭較試軍士之令

大政記

文皇卽位五駕北征六師嘗自較閱

宣德五年以成國公朱勇言選京衛卒隸五軍訓練

已上兵志

景泰二年于謙請擇精銳十五萬分十營團操

于謙傳

成化間增團營爲十二命月二次會操起仲春十五日止

仲夏十五日秋冬亦如之

成化十年立殫忠效義二營練京衛舍人餘丁

宏治二年兵部尙書馬文升申明洪永操法五日內二日走陣下營三日演武

嘉靖六年更營制分兵三十枝設將三十員各統三千人訓練擇精銳者名選鋒總督大臣一月會操者四餘日營將分練

已上兵志

隆慶四年朝議練鄉兵禦賊台州知府譚綸練千人立束伍法自裨將以下節節相制分數旣明進止齊一未久卽

成精銳

譚綸傳

譚綸督師薊遼集步兵三萬徵浙兵三千請專屬戚繼光訓練繼光又請願更予臣浙東殺手礮手各三千再募西北壯士足馬軍五枝步軍十枝專聽臣訓練嘗著練兵實紀談兵者遵用焉

戚繼光傳

選募

初太祖攻和陽精選三千勇敢士佯爲元兵

紀事本末

洪武三十年沐春拜征虜前將軍選卒五千人令何福與

瞿能將

沐英傳

命耿炳文爲征西將軍選陝西甘肅步騎巡

西北邊備胡

世法錄

永樂四年征安南敕大理卿陳洽選廣西土軍往會太平

府發者三萬人

十九年北征敕左通政樊敬於河南運磚官軍選精壯二萬人至京

正統二年募所在軍餘民壯於陝西得四千二百人已上世法錄

葉禎爲慶遠同知兩廣徭賊蠡起禎募健兒日訓練葉禎傳

景帝卽位遣御史十五人募兵畿內山東山西河南本紀

成化中總督王越視師多選跳盪士爲腹心將王越傳

宏治十四年九月丁亥遣使募兵於延綏甯夏甘涼本紀

韓雍計峒賊最强方設策進剿新會縣丞陶魯自請征雍

曰所將幾何而辦魯曰三百人足矣曰何少也曰魯猶以爲多兵貴精請任選擇雍從之魯乃標約式令曰有力能舉百鈞矢射二百步者來三軍之士十五萬人比於式者二百五十人曰未也復募數日始定魯乃爲別將日操練陣法椎牛犒軍甘苦共之士爭願爲死率以先登大破賊

通典

蜀盜藍鄙叛僉事馬昊佐治兵甫至閱所部曰將不知兵若何求勝擇驍勇才力千人分四隊隊立長會賊來逼城昊夜出百騎舉礮擊賊賊營亂自蹈藉昊悉兵從後乘之斬首四千級再前遇賊賊方陣於左而伏兵於右爲應昊

以正兵當左乃身與百騎直擣伏賊賊驚潰趨左左陣亦潰遂合兵縱擊火其柵大破之

同上

世宗初陳九疇巡撫甘肅抵鎮言額軍七萬餘存者不及半且多老弱請召募許可

陳九疇傳

嘉靖二十九年諳達薄都城發帑金五千兩命商大節便

宜募壯士

商大節傳

戚繼光守台金嚴三郡請召募三千人教以擊刺法長短兵迭用由是繼光一軍特精

戚繼光傳

萬厯時張洄爲浙江副使時浙江有召募兵撫按議散之兵皆洄洄曰是僇悍者留則有用汰則叵測不若汰其

老弱而留其壯勇則留者不思亂汰者不能亂矣從之張

傳

天啟元年四月戊寅募兵於通州天津宣府大同甲午募兵於陝西河南山西浙江本紀

宿衛

初太祖取婺州選富民子弟充宿衛曰御中軍兵志

太祖降陳兆先擇驍勇者五百人爲親軍宿衛帳中馮勝傳

王弼帥所部來降太祖知其才使備宿衛王弼傳

胡大海以功授右翼統軍元帥宿衛帳下胡大海傳

王銘以驍勇選充宿衛本傳

費聚召領宿衛

本傳

吳元年四月選江西精兵二千人宿衛

大政記

洪武三年華高封廣德侯請得宿衛

華高傳

九年選公侯都督各衛指揮嫡長次子才可試用者爲散

騎參侍舍人隸都督府佩弓刀充宿衛

史稟

韓觀以舍人宿衛忠謹爲太祖所知授桂林右衛指揮僉

事

韓觀傳

建文時都督廖鏞宿衛殿廷

廖永忠傳

成祖初選力士長大者充將軍備宿衛

大政記

永樂中增紅盔明甲二將軍及叉刀圍子手之屬備宿衛

兵志

三年二月辛巳兵科給事中言奉天征討官有已陞都指揮仍於京衛更番宿衛者與軍士同列名實不稱上曰此曹於戰則勇而才智未堪任方鎮故使之日在左右廣見聞識大體俾他日不負任使且得以永保祿位

大訓記

張輒入宿衛爲錦衣衛指揮僉事

張玉傳

宣宗初以吳成嘗宿衛東宮錄舊勞封清平伯

吳成傳

正統中張輓三遷至中府右都督領宿衛

張玉傳

景泰中宋傑典禁兵宿衛

宋晟傳

成化十二年二月揀選宿衛官軍

大政紀

宏治初楊瑾領將軍宿衛

楊洪傳

番戍

永樂間始命內地軍番戍謂之邊班

正統初山西河南班軍守偏頭大同宣府塞不得代巡撫于謙言每歲九月至二月水冷草枯敵騎出沒乘障卒宜多若三月至八月邊守自足乞將兩班軍每歲一班如期遣放甘肅總兵官蔣貴亦言沿邊墩臺守瞭軍更番有例惟坐事謫發者不許困苦甚乞如例踐更從之

已上兵志

五年山西總兵李謙請偏頭關守備軍如大同例半歲更番部議首班二月還五月戍次班六月還九月戍詔雖如

議而戍卒率以歲爲期有久而後遣者

世法錄

初甯夏備邊軍半歲一更後邊事亟三年乃更軍士日久疲罷又益選軍餘防冬家有五六人在邊者軍用重困正統九年三月靖遠伯王驥請歲一更當代者以十月至而代者留至來年正月乃遣歸帝善其議行之諸邊

王驥傳

十四年發太原平陽民戍邊後久不代宏治中山西巡撫顧佐奏令更代

韓文傳

天順中山西巡撫李侃奏言塞北之地與窮荒無異非生長其間者未有能甯居而狎敵者也今南人戍西北邊怯風寒聞寇股栗而北人戍南亦不耐暑多潛逃宜令南北

清句之軍各就本土更補人情交便戎備得脩時不能用

李胤傳

成化十二年陝西巡撫余子俊奏免岷河洮三衛之戍南方者萬有奇易置南北之更戍者六千有奇就戍本土

余子

俊傳

宏治中三邊總制秦紘言備禦延綏官軍自十二月上班既周一歲至次年三月始下班在軍日多宜定例歲一更代俱以三月初爲上下班邊軍便之

史稿

嘉靖中兵部范鏌總理邊關陜隘言長戍之兵介冑不備量給鎧仗番上者悉予行糧毋俾荷戈枵腹

范鏌傳

二十三年諸鎮苦虜患乃建議各練本鎮戍卒省徵發費
十之六從之

王圻考

時倭難起南中諸要地亦分兵戍守操江柴經言南京新
江口營舊以鎮江衛軍班戍今有旨撤回請於留守及安
慶等衛選餘丁補之而揚州淮安等衛卒赴鎮江操備者
倣新江口例分春秋二班以休其力部覆報可

史稿

四十年十二月命選京營番戍從兵部尙書楊博請也

明政

統宗

山西巡撫靳學顏言欲京兵強宜責以輪番戍守夫京師
去宣府薊鎮纔數百里京營九萬卒歲以一萬戍二鎮九

年而一周未爲苦也而怯者與邊兵同其勁矣

新學顏傳

萬厯中郭惟賢巡撫湖廣言長沙寶慶衡州三衛軍戍武岡而永州甯遠諸衛遠戍廣西死瘡痍無數請分番迭戍武岡罷其戍廣西者

郭惟賢傳

調發

洪武四年造用寶金符及調發走馬符牌用寶符爲小金牌二中書省大都督府各藏其一有詔發兵省府以牌入內府出寶用之走馬符牌鐵爲之共四十金字銀字者各半藏之內府有急務調發使者佩以行尋改爲金符有詔調軍省府同覆奏然後納符請寶

兵志

洪武五年命馮勝北征發河南衛兵三萬人何文輝領山東步騎從李文忠出應昌凡發二萬八千人

十八年命馮勝北征凡發北平騎步軍五萬人山西陝西各三萬人

二十年征雲南調湖廣官軍五萬六千五百六十人又調陝西山西五萬六千餘人

二十八年申調兵捕賊之律限之期日官不躬率或調兵失律者罪之

永樂四年征安南發浙江福建江西廣東湖廣軍往廣西聽征凡八萬人復發鎮江蘇州等十二衛馬步軍萬人已

世法錄

七年上以邊戍調遣止憑敕書慮或有詐乃以勇敢鋒銳神奇精壯強毅克勝英雄威猛十六字編爲勘合有事調發比對相合方准發兵

王圻考

九年命張輔征交趾發四川廣西江西湖廣雲南貴州六都司安慶等十四衛兵凡二萬四千人

宣德元年命王通討交趾發楚蜀二護衛步兵各千人又發福建廣東雲南貴州四川湖廣各都司南直隸各衛馬步軍萬五千人而於思明田州調弩手三千爲嚮導復敕廣西總兵官顧興祖調官軍五千人赴之聽通節制已又

調南北京衛中都留守司武昌護衛江西福建浙江山東河南湖廣廣東貴州官軍共七萬人屬柳升沐晟分統討之

正統元年敕右都督蔣貴發京兵二千五百人調潼關甘肅精銳戰士五千人勦達賊

四年調湖廣貴州四川官軍共五萬人命都督吳亮馬翔率之征麓川聽沐晟節制

已上世法錄

十四年英宗北狩郕王監國于謙請王檄取兩京河南備操軍山東及南京沿海備倭軍江北及北京諸府運糧軍

亟赴京師

于謙傳

天順五年命顏彪征兩廣猺賊調南京江西及直隸九江等衛官軍一萬隸之

成化三年貴州山都掌蠻作亂命襄城伯李瑾尙書程信發川廣雲貴番漢兵討之

四年命都督劉玉副都御史項忠發京邊軍五萬人討滿

俊

已上世法錄

鎮守大同中官汪直言小王子將大舉請發京兵援兵部

尙書張鵬等言大同士馬已足用所請宜勿許

張鵬傳

宏治十四年秦紘總制三邊軍務奏言京師天下本邊將手握重兵而一遇有事輒請京軍非強幹弱枝之道請自

今京兵母輕發臨鞏甘涼諸軍亦宜各還本鎮

秦紘傳

正德六年始調邊兵入討賊時霸州盜起京軍不能制詔徵宣府延綏兵討之

是年河南賊滋蔓調湖廣土兵近河南者五千人征之聽

仇鉞節制

已上世法錄

七年江彬欲藉邊兵自固盛稱邊軍驍悍勝京軍請互調操練言官交章諫大學士李東陽疏稱十不便皆不聽於是邊軍入衛

三編

十三年十一月庚子以火牌調西官廳及四衛營兵赴宣大楊廷和等言祖宗以來凡有政令下各衙門均以旨意

批紅經由內府司禮監傳奉發出並無火牌發與外衙門
施行者且調遣官軍事體重大乃不由旨意惟用火牌萬
一奸人乘機真偽莫辨意外之患將由此起況禁兵所以
擁護宗社防守宮闈豈可無故遠調以失居重馭輕之勢
伏望恪遵舊制亟賜收回仍停所調官軍勇士不報錄實

嘉靖八年宣大總督翟鵬請調陝西薊遼客兵八支及宣

大二關主兵

翟鵬傳

十三年大同兵亂命發宣府兵並保定遼陽延綏諸將討
之

十六年虜寇大同調遼東游兵備之已出邊遣回而令此

後非重警勿調

二十五年薊州告急宣大總督翁萬達請調山東河南保定兵及京營軍挑選者下樞臣議止調保定兵已給事中齊譽言京師之兵居重馭輕不宜以小警輕出帝然之

世法錄

二十九年諳達犯京師發諸邊兵萬二千騎京營兵二萬四千騎分布宣薊諸關隘

三編

三十年詔徵宣府兵衛京城先是諳達入寇大臣計調邊兵精銳者別將統之歲番入居庸關屯駐要害防不測自是終嘉靖世選鎮兵入衛歲三千人

世法錄

初世宗從楊博言命薊鎮入衛兵聽宣大調遣薊遼總督王忬言古北諸口無隘可守獨恃入衛卒護陵京奈何聽調發帝怒曰曩令薊鎮練兵今一卒不練遇防秋輒調他鎮兵兵部詳議以聞嗣帝問嚴嵩邊兵入衛舊制乎嵩曰祖宗時無調邊兵入內地者正德中劉六狷獷始調許泰卻永領邊兵討賊庚戌之變仇鸞選邊兵十八支護陵京未用以守薊鎮至何棟始借二支防守忬始盡調邊兵守要害去歲又徵全遼士馬入關致寇乘虛入犯遼左一空若年復一年調發不已豈惟糜餉更有他憂

王忬傳

萬厯四十六年閏四月起楊鎬經略遼東以戎政尙書薛

三才言調登州兵一千五百名南京水陸二營兵三千名

赴援

三編

崇禎二年十一月京師戒嚴宣大總督及宣府保定河南山東山西巡撫皆奏請帥師入衛並詔徵應天鳳陽陝西浙江各巡撫及撫治鄖陽都御史統部卒勤王

同上

料敵

劉基初見太祖太祖問征取計基曰士誠自守奴不足慮友諒劫主脅下名號不正地據上流其心無日忘我宜先圖之陳氏滅張氏勢孤一舉可定然後北向中原王業可成也會友諒陷太平謀東下勢甚張諸將或議降或議奔

據鍾山太祖召基入內基奮曰主降及奔者可斬也太祖曰計安出基曰賊驕矣待其深入伏兵邀取之易易耳天道後舉者勝取威制勝以成王業在此舉矣太祖用其策誘友諒大破之

劉基傳

常遇春因陳友諒來援安慶料其必攻池州乃伏銳士於九華山敵果來攻伏起擒斬萬餘人

紀事本末

張士誠攻新城李文忠率朱亮祖等馳救去新城十里而軍胡德濟使人告賊勢盛宜少駐以俟大軍文忠曰兵在謀不在眾乃下令曰彼眾而驕吾少而銳以銳遇驕必克之矣彼軍輜重山積此天以富汝曹也勉之乃分左右軍

文忠橫槊引鐵騎數千乘高馳下大軍繼之敵遂大潰

李文忠

傳忠

洪武元年太祖命將北伐常遇春欲直搗元都太祖曰元都守備必固懸師深入餽餉不繼援兵四集危道也吾欲先取山東撤其屏蔽旋師河南破其藩籬拔潼關而守之扼其戶檻然後進兵元都勢孤援絕不戰自克

本紀

庫庫特穆爾將由居庸攻北平徐達聞之與諸將謀曰庫庫遠出太原必虛北平有孫都督在足以禦之今乘敵不備直搗太原使進不得戰退無所守所謂批亢搗虛者也彼若西還自救此成禽耳二年常遇春下鳳翔李思齊走

臨洮達會諸將議所向皆曰張思道之才不如李思齊而慶陽易於臨洮請先慶陽達曰不然慶陽城險而兵精猝未易拔也臨洮北界河湟西控羌戎得之其人足備戰鬪物產足佐軍儲蹙以大兵思齊不走則束手縛矣臨洮既克於旁郡何有

徐達傳

太祖嘗謂徐達等曰初與二寇相持士誠尤逼近或謂宜先擊之朕以友諒志驕士誠器小志驕則好生事器小則無遠圖故先攻友諒鄱陽之役士誠卒不能出姑蘇一步以爲之援向使先攻士誠浙西負固堅守友諒必空國而來吾腹背受敵矣二寇旣除所以先山東次河洛止潼關

之兵不遽取秦隴者蓋庫庫特穆爾李思齊張思道皆百戰之餘未肯遽下急之則併力一隅猝未易定故出其不意反旆而北燕都旣舉然後西征張李望絕勢窮不戰而克然庫庫猶力抗不屈向令未下燕都驟與角力勝負未

可知也

本紀

三年命傅友德等伐蜀論之曰蜀人聞我西伐必悉精銳東守瞿塘北阻金牛以抗我師若出不意直擣階文門戶旣隳腹心自潰兵貴神速患不勇耳

傅友德傳

正德十四年王守仁起兵討宸濠至樟樹鎮或請救安慶守仁曰不然九江南康已爲賊守我趨安慶與賊相持江

上二郡兵絕我後是腹背受敵也不如直搗南昌賊守備
虛我軍新集氣銳攻必破賊聞南昌破必解圍自救逆擊
之湖中蔑不勝矣

三編

誘敵

太祖因元兵圍六合率師救之設伏澗側令耿再成佯敗
誘之渡澗伏發城中亦鼓譟夾擊之元兵大敗

郭英與元兵戰於河西務大捷翼日大霧英令千人伏道
傍率精騎三千直抵城下元將率敢死士萬餘張兩翼出
戰良久英佯敗敵乘勝來追伏兵起截其軍爲二斬首數

千級

通典

徐達克沂州進取青州遇元將伊蘇兵乃命傅友德率騎

與戰佯北伊蘇來追達麾後軍前進俘斬甚眾

通典

沐春鎮雲南討阿資趨越州分道逼其城伏精兵道左以

羸卒誘賊縱擊大敗之

沐英傳

正統十四年額森深入窺德勝門于謙令石亨設伏空舍

遣數騎誘敵敵以萬騎來薄伏起齊擊之

于謙傳

成化中項忠討滿俊賊倚愛將兵楊虎狸爲謀主夜出汲

被禽忠貰其死諭以購賊賞格示之金且賜金帶鉤縱歸

使誘俊出戰伏兵禽焉

項忠傳

嘉靖三十四年倭犯江北參將劉顯防浦口測賊將遁方

暑披單衣率四騎誘賊伏精甲岡下賊出誘至岡下大敗

之

劉顯傳

閒諜

太祖攻安慶使人陽與普勝門客交而陰間之置書與客故達普勝客懼來歸重以金幣資之潛往友諒所間普勝友諒遂殺普勝

本紀

吳良與弟禎從太祖並爲帳前先鋒良能沒水偵探禎每易服爲閒諜

吳良傳

徐達攻平江不下時莫天佑爲張士誠守無錫更相唇齒其將楊茂善泅數從水中爲偵達獲茂釋而厚賞之使往

來爲閒因盡得其虛實遂破之

通典

景泰初額森多所要挾于謙因謀用間特釋忠勇伯把台家許以封爵使陰圖之額森始有歸上皇意

于謙傳

正德十四年王守仁討宸濠恐其直趨南京多遣閒諜檄府縣言京師湖廣廣東西江浙等處各發兵數十萬直擣南昌所至有司缺供者以軍法論又以蠟書遣僞相李士實劉養正等敘其歸國之誠令僉僉早發兵東下而縱諜洩之宸濠果疑士實等勸濠直趨南京濠不聽以至於敗

王守仁
傳通典

參將沈希儀討廣西猺獞陰求得與猺通販易者數十人

釋其罪而厚撫之使訶賊賊動靜希儀無不知之人皆以爲神希儀初至令熟獠得出入城中無所禁因厚賞其黠者使爲謀後漸令獠婦入見其妻賚以酒食繒布其夫常以賊情告者則陰厚之諸獠婦利賞爭勸其夫輸賊情或自入府言之以故賊益無所匿形多易面爲熟獠自是數百里無敢攘奪者

沈希儀傳

隆慶四年王崇古總督宣大山西軍務禁邊卒闌出而縱其素通寇者深入爲間

王崇古傳

鄉導

李道明攻信州胡大海擒之赦爲鄉導

大政記

徐達規取河北克臨清獲李寶臣等用爲鄉導

通典

宣德元年命王通討交趾於思明州田州調弩手三千爲

鄉導

世法錄

王守仁旣諭降土番盧蘇王受卽因其兵攻斷藤峽使蘇受等爲鄉導以土兵分道深入大破之

守仁攻橫水左溪賊至賊巢三十里駐兵夜募鄉兵善登山者四百人各執旗懷銃礮由間道入險分布近巢左右伏高山頂覘賊度我兵至險舉礮應之賊大驚潰

林俊巡撫四川值賊首藍廷瑞廖惠等攻破諸郡邑俊以官兵不諳地勢乃召各處土兵協力剿之

已上通典

處降

陳兆先就禽盡降其眾三萬餘人眾疑懼太祖擇驍勇者
五百人爲親軍宿衛帳中悉屏舊人獨留馮國用侍榻側
五百人始安

馮勝傳

胡美守龍興遣使詣九江請降且請無散部曲太祖初難
之劉基蹴所坐胡牀太祖悟賜書報之美得書來降太祖
慰勞之俾仍舊官

胡美傳

繆大亨有眾二萬人屯橫澗山太祖遣其叔貞諭降之命
將所部從征擢元帥總兵又命大亨攻張明鑑降得眾數

萬

繆大亨傳

吳允誠名巴圖特穆爾

舊作把都帖木兒

永樂三年與其黨倫都

爾輝

舊作倫都兒灰

率妻子及部落五千來歸帝賜姓名倫都爾

輝賜姓名柴秉誠俱授都督僉事使領所部居涼州耕牧

自是降附者眾邊境日安由允誠始

吳允誠傳

金忠者蒙古名額森托噶

舊作也先土干

永樂二十一年率妻子

部屬來降帝賜姓名封忠勇王

金忠傳

阿魯台既爲衛拉特托歡

舊作瓦剌脫歡

所殺子謬博爾濟

舊作阿卜

只俺款塞來歸宣宗授以左都督賜第京師

和勇傳

永樂十九年侍講鄒緝言漠北降人賜居室盛供帳意欲招其同類也不知來者皆懷窺覘非真遠慕王化甘去鄉

土宜於來朝之後遣歸本國不必留爲後日子孫患

鄒緝傳

正統初兵部侍郎柴車建言漠北降人朝廷留之京師雖厚爵賞其心終異如長脫脫木兒者昔隨其長來歸未幾叛去今乃復來安知他日不再叛宜徙之江南離其黨類事下兵部請處之河間德州帝報可後降者悉以此令從

事

柴車傳

景帝卽位編修劉定之言臣於上皇朝乞徙漠北降人未蒙採納比乘國釁奔歸故土寇掠畿甸者屢見告矣宜乘大兵聚集時遷之南方使與中國兵民相錯雜以牽制而變化且可省俸給減漕輓其事甚便

劉定之傳

景泰元年額森入寇永樂中降人安置近畿者多爲內應于謙謀散遣之因西南用兵每有征行輒選其精騎厚資以往已更遣其妻子內患以息

于謙傳

正德中贛州知府邢珣招降劇盜滿總等授廬給田撫之

甚厚後討他盜多藉其力

伍文定傳

嘉靖中王守仁旣降田州土酋盧蘇王受因請復設流官於田州置十九巡檢司以蘇受任之並受約束於流官知

府帝從之

王守仁傳

天啟初朱變元征奢崇明有諸生陷賊中遣人言賊將羅象乾欲反正變元令與象乾俱至呼飲戍樓中不脫其佩

刀與同臥酣寢象乾誓死報復縋而出自是賊中舉動無
不知乃遣部將詐降誘崇明至城下伏起崇明跳免象乾
自內縱火以眾來歸城圍遂解

朱變
元傳

明會要卷六十終